



Sámi allaskuvla

OAHPPOPLÁNA

OKT 305

AKADEMALAŠ ČÁLLINSEMINÁRA

10 oahppočuoggá

Dutkan- ja oahppostivra dohkkehan 10.05.2016, áššis 45/16. Rievdadusat dohkkehuvvon goahtejodiheaddji mearrádusnotáhta bokte 09.01.17 (Public áššenr. 17/00523), 02.05.18 (Public áššenr. 18/00215), 12.07.22 (Public áššenr. 20/00061-8) ja 31.01.24 (Public áššenr. 24/00084-1).

1. OAHPPOOVTTADAGA NAMMA

Sámegillii: Akademalaš čállinseminára

Dárogillii: Akademisk skriveseminar

Eangalsgillii: Seminar on academic writing

2. OPPALAŠ DIEÐUT OAHPU BIRRA

OAHPPOVTTADAGA KODA: OKT 305

VIIDODAT: 10 oahppočuoggá

OAHPU LÁGIDEAPMI: Oassi oahpahusas lágiduvvo fysalaš deaivvadeapmin Guovdageainnus, ja oassi neahttaoahpahussan.

3. OAHPPOPROGRÁMMA GULLEVAŠVUOHTA

Oahppu gullá Sámegeiela ja sámii girjjálašvuoda masterprográmma oktasaš geatnegahtton oahpuide.

4. SISABEASSANGÁIBÁDUSAT

Ohccis galgá leat sámegielas ja sámii girjjálašvuoda bachelorgráda dahje vástideaddji oahppu. Gáibiduvvo, ahte ohccis leat 90 oahppočuoggá čiekŋudanoahput sámegielas eatnigiellan. Bachelorgráda gaskamearálaš árvosátni galgá leat C dahje buoret. Studeanttain, geain lea cand.mag.-dutkkus, galgá leat sámegielas gaskamearálaš árvosátnin 2,7 dahje buoret.

5. OAHPAHUSGIELLA

Davvisámegielas lea váldooahpahusgiellan. Eará sámegielat ja suoma-, ruoŋa-, dáro- ja eangalsgiella sáhttet adnojuvvot omd. guosseloggaldallamiin.

6. SISDOALLU

Oahpu geavattat ulbmilin lea doarjut studeantta masterbarggu čállima. Dat čiekŋuda ja viiddida studeantta máhtuid dieđalaš ja fágalaš čállimis, ja ráhkkanahttá su masterbarggu čállimii. Oahpus leat njeallje váldosisdoalu:

- 1) dieđalaš teakstašlájat ja teakstaráhkadusat
- 2) dieđalaš ákkastallanvuogit, giellageavahus ja stiila
- 3) dieđalaš čállosa formála iešvuodát
- 4) dieđalaš publiserenvuogádagat.

Studeanta čiekŋuda dáidda fáttáide sihke teorehtalaččat ja praktihkalaččat. Son oažžu mánggabealat vásáhusaid dieđalaš čállimis: son omd. pláne teavsta ráhkadeami ja dan

čállima, hábme ja buorida iežas teavstta, ja oahppá geavahit gállduid, govaid, govvosiid ja tabeallaid rivttes láhkai.

7. OAHPPANJOKSOSAT

Oahpu olis studeanta olaha dáid oahppanjoksosiid:

Diehtu:

Studeanta

- dovdá iešguđetlágan dieđalaš teakstašlájaid ja daid iešvuodaid
- dovdá dieđalaš stiilla ja argumenterenvugiid
- dovdá dieđalaš čállima formála beliid (omd. bajilčállagiid, gálldočujuhusaid ja - logahallamiid hábmema, govaid, govvosiid ja tabeallaid geavaheami)
- dovdá dieđalaš publiserenvuogádagaid

Máhttu:

Studeanta

- máhtta plánat dieđalaš čállinbarggu ja ráhkadit dan várás dutkanplána
- máhtta hábmet ja lađastallat dieđalaš teavstta
- máhtta geavahit dieđalaš stiilla ja ákkastallanvugiid
- máhtta hábmet riehta dieđalaš teavstta formála beliid

Oppalaš gelbbolašvuohta:

Studeanta

- dovdá dieđalaš čállima iešvuodaid ja máhtta heivehit daid iežas čállinbargui
- dovdá dieđalaš publiserenvuogádaga, ja diehtá mo galgá doaimmat go áigu almmustahit dieđalaš čálloša

8. OAHPAHAN- JA OAHPPANVUOGIT

Logaldallamat, ruovttubarggut, joavkobarggut ja seminárat. Seminárain studeanttat buktet ovdan iežaset bargguid ja kommenterejit eará studeanttaid ovdanbuktimiid.

9. GÁIBÁDUSAT BEASSAT EKSÁMENII

Ohppui gullet golbma geatnegahttojuvvon barggu, main guokte galget buktojuvvot ovdan semináras.

- 1) Vuosttaš lohkanbajis studeanta čállá preliminára dutkanplána iežas masterbarggu várás (dahje eará sullalas dieđalaš barggu várás). Dutkanplána galgá doallat sisttis čilgehusa barggu temás, fáttás ja dutkančuolmmain, guovddáš bargovugiid ja metodaidd, ja jurddašuvvon áigeplána. Plána guhkkodat galgá leat 5–6 siiddu.

- 2) Studeanta dahká čálalaš hárjehusbarggu, mii guoská diedalaš čállima formála iešvuodaide (omd. govvosat, govat, tabeallat, gálduid geavaheapmi, teavstta hábmen). Dárkilut rávvagat hárjehusbarggu várás juhkkovuvvojit oahpu áigge.
- 3) Studeanttat čállá árvvoštallama dahje kritihkalaš referáhta muhtun guovddáš gáldus dahje gálduin, maid son áigu geavahit masterbarggus (dahje eará barggus, man várás dutkanplána lea čállojuvvon). Čállosa guhkkodat galgá leat 5–6 siiddu. Son buktá čállosa sisdoalu njálmmálaččat ovdan semináras (15 min ovdanbuktin + 5 min kommeanttaid ja ságastallama várás).

Fágaoahpaheaddji árvvoštallá geatnegahtton bargguid dohkkehuvvon / ii dohkkehuvvon. Buot geatnegahtton barggut galget leat dohkkehuvvon ovdal eksámena. Studeanttas lea vejolašvuohta divvut bargguid máhcahaga vuodul ovdal eksámena.

10. EKSÁMEN

Máhppaeksámen, mas leat golbma seminárabargočállosa.

Árvvoštallan: Ceavzán / ii ceavzán

11. PRIVATISTTAID VEJOLAŠVUOHTA VÁLDIT OAHPU

Privatisttat eai sáhte váldit dán oahpu.

12. KVALITEHTASIIKKARASTIN

Čujuhuvvo Sámi allaskuvlla kvalitehtasihkkarastinvuogádahkii, ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta.

Studeanttat árvvoštallet oahpu evaluerenčoahkkimis, ja sii devdet árvvoštallanskovi oahpu loahpahettiin. Ásahus árvvoštallá oahpu studeantaárvvoštallamiid, eksámenraporttaid, sensorraporttaid ja fágaraortta vuodul.